



Акафист на Сочествоие Святого Духа

Кондак 1

Возбранный Параклите, Царю неба и земли, Животворящий, Спасительный и Всесвятый
Душе, выну от Отца исходяй и в Сыне почиваяй, сошествием же в виде огненных языков
Апостолы просветивый, снизойди и ныне с горних высот на ны недостойныя рабы Твоя, и
породи нас к новой благодатной жизни, да воспоешь Тебе:

Прииди, Утешитель Благий, вселися в ны, и спаси души наша.

Икос 1

Ангелов Творец и Господь Сил с небесе сошед и плотское восприем естество наше,
прииде на землю, да спасет Крестом и Воскресением Своим падший древле род человечь,
и паки восшел на небо, седе одесную Бога и Отца, да совознесет и обожит естество наше,
и да созиждет на земли Царство правды и мира о Дусе Святе, егоже никто же может
видети, аще кто не родится свыше Темже Духом. Сего ради Господь наш, ко Отцу отходя,
не остави нас сирых, но обетова грешником своим, глаголюще: Аз умолю Отца и иного
Утешителя даст вам, да будет с вами во век, Дух Истины, Егоже мир не может прияти,
ниже знает Его, иже от Отца исходит, Той свидетельствует о Мне. Утешитель, Дух
Святый, Той вы научит всему и воспомянет, яже рек вам. Сему обетованию внемлюще,
апостоли моляху Тебе, Святый Утешителю, да скоро снедеши, вопиюще Тебе сице:

Прииди, Утешителю Благий, выну от Отца исходяй.

Прииди, Небесной Параклите, присно в Сыне почиваяй.

Прииди, Подателю жизни, приклони небеса и снidi.

Прииди, Небесный Царю, прикоснися горам и воздымятся.

Прииди, Всесвятый Душе, и настави нас светом истины Твоей.

Приди, кристаловидный Животе, и просвети мир огнем благодати Твоей.

Приди, Утешителю Благий, вселися в ны, и спаси души наша.

Кондак 2

Видев Господь по Воскресении Своем ученики Своя еще плотская мудрствующих и земное царство чающих, явися, им дверем затворенным, дуну и преподаде им Духа Святаго благодать просвещающую помышления их и уготовляющую их к приятию существенному таинства Божественнаго, глаголюще: Приимите Дух Свят, Имже отпустите грехи, отпустятся им, и имже держите, держатся. Темже, приемше таковую власть духовную, укрепишася духом, вопиюще Богу: Аллилуйя.

Икос 2

Разум Божественный о грядущем Царствии Божии отрывая, Господь наш собра ученики Своя вся вкупе на горе Елеонской, и повеле им по Вознесении Его на небо от Иерусалима не отлучатися, но ждати обетования Отча, дондеже облекутся силою свыше, яко не по мнозех днех имут креститися Духом Святым. И тако заповедав, рече им: нашедшу Святому Духу на вы, приимите силу и будете Ми свидетели во Иерусалиме и во всей Иудее и Самарии и даже до последних земли. И сия рек, вознесеся на небо. Ученицы же, возвратившиеся во Иерусалим, взыдоша в горницу и бяху вси терпяще единодушно в молитве и молении и пощении с женами Мариею Материю Иисусовою и с братиею Его, чающие сопребывание Утешителя и поюще Ему сице:

Приди, Душе Господствуяй и Животворяй, Отцу Собезначальный и Соприсносущный.

Приди, Душе Истинный и Всеблагий, с Сыном Купносущный и Равночестный.

Приди, Душе Владычный, от Отческаго состава и от Божественных и Беззначальных уст Его нескованно Исходяй.

Приди, Душе Христов, Соипостасное Дыхание и Премудрости Сило, в Сыне нераздельно пребываай.

Приди, Непостижимый Просветителю, откровение тайны Пресвятыя Троицы людем даровать восхотевый.

Приди, Премудрый Всепосетителю, весь мир благодатными дарованиями исполнити возжелавый.

Приди, Утешителю Благий, вселися в ны, и спаси души наша.

Кондак 3

Силою Божественною облечен Святый Петр, востав посреди ученик, рече к ним: Мужи братие, преклоньше колена, сердца же горе возведше, помолимся ко Господу нашему, обетовавшему Утешителя иного, да созиждет чисты сердца наша и да обновит дух прав во утробах наших и да сотворит горницу сию Церковь Божию и скоро да ниспошлет нам Духа Всеблагаго Своего, Ему же все да воспоим едиными усты и единым сердцем: Алиллуйя.

Икос 3

Имуще страх велий, Апостоли в смущении быша, како немощным им сущим, якоже агнцам без Паstryя, проповедати Евангелие всей твари, сего ради, егда скончавахуся дни Пятьдесятницы, быша вси вкупе на молитве и вознесоша тепле моление ко Паstryю Своему, глаголюще: Царю Ангелов, управляй всеми на земли и на мори! Раби Твои вопиют к Тебе: скоро посли нам Всесвятаго Духа Твоего. Господь же их плотию на небесех Отцу соседяй, услышав моление сие рече: Самовластный Утешителю, снизойди, чают бо Тя ученицы Мои, ихже собрах к Тебе и ко Отцу, тепле бо вопиют к Тебе, глаголюще:

Прииди, Душе Благий и настави нас на землю праву.

Прииди, Свете Святый, и направи стопы наши на стезю мирну.

Прииди, Владыко Непостижиме, всем хотящим спастися несомненное упование.

Прииди, Неизследимый Царю, всем жаждущим правды благодатное насыщение.

Прииди, Душе Живый и Животворяй, Твою бо благодатию живем и движемся и есмы.

Прииди, Свете Святый и Светоносяй, Твою бо чистотою возвышаемся, светлеемся и хранимы.

Прииди, Утешителю Благий, вселися в ны, и спаси души наша.

Кондак 4

Бурное дыхание велие внезапу пронесеся, учеником в Сионе собраным и в горнице об часе третьем дне молящимся, и бысть шум, яко гром с небесе, тишине велией окрест сущей, и исполни весь дом, идеже бяху седяще. И колебашеся храмина, яко лодия, и убояшеся апостоли мняще, яко от дыхания бурна падется горница, и вси в страсе возопиша: О, Владыко, утиши колебание и посли Всесвятаго Духа Твоего, Ему же согласно да воспоеем: Аллилуя.

Икос 4

Слышаще шум с небесе и колебание воздушное видяще, боголюбивии Апостоли и вси сущии с ними исполненши ужаса, зане в дыхании бурне сопствствие Утешителево уразумеша и в шуме небеснем глас Господень ощутиша, в себе помыслившe: се глас Господень возгрeme в крепости. Се глас Господа Источающаго пламень огня, якоже Давид предрече. Се буря от Господа, якоже Иеремия возвести. В сие время Господь наш восхоте послати Утешителя иного и даровати Закон нов, якоже древле на Синаи. Тамо от гласа Его колебашеся гора, здесь же от дыхания Утешителева потрясеся горница, тамо быша громи и молния, здесь же пронесеся шум с небесе. Обаче приступихом не к горе осязаемой и огнем пылающей, но к Сионстей горе, к Иерусалиму Небесному, к Ходатаю Завета Новаго, да приимем Царство Непоколебимо, и да восприимем благодать Духа, ею же послужим благоугодно, вопиюще Ему сице:

Прииди, Душе Страха Божия, не во огне и буре, но во гласе хлада тонка, да нас от духа боязни рабсия свободиши.

Прииди, Душе Сыноположения, апостолы во едино стадо совокупивый, да и нас чада Божия сотвориши.

Прииди, Душе Премудрости и Откровения, да воспомянеши нам вся слова Христовы в познание Его.

Прииди, Душе ведения и благочестия, да просветиши очи сердечные светом заповедей Его.

Прииди, Душе Божия Святыни, да облечеши нас силою свыше от Своих небесных высот.

Прииди, Душе всякия благостины, да окропиши нас росою благодати по множеству Своих щедрот.

Прииди, Утешителю Благий, вселися в ны, и спаси души наша.

Кондак 5

Богоноснии Апостоли еще паче исполнишася страха, егда по гласе шума се бысть им видение новое паче первого и явишася огненнии языцы, разделяющияся сюду и сюду, и седоша по единому на коемждо от них над главами их, да исполнится Давида праотца предречение: Бог яве приидет и не умолчит, огнь пред Ним возгорится и окрест Его буря зельна. Сим духоносным огнем Утешителя просвещаемии, апостоли со страхом и с радостию возопиша, сретающе пришествие Его: Аллилуиа.

Икос 5

Видевше существо Утешителя в виде огненных языков, Апостоли удивиша, како дыхание бурно с пламенем совокупися, и како с ветры видены быша светильницы, с росою же искры. Наипаче же объяша их страх Божественный, егда огненнии языцы, седше над главами их, не опалиша власы, но паче просвещаху мысли их, и тако огнедохновенным озарением Святаго Духа просвещаеми, уразумеша проречение Давидово: Огнь от Лица Его воспламенился: углие возгореся от него. И приклони небеса и сниде. И прославиша Бога, яко прииде обетованный Утешитель, да огненное крещение восприявше от Него, благодарственно возопиют ему сице:

Прииди, Огненосный Душе, да огненным крещением весь мир просветиши.

Прииди, огнь подаяй, Боже, да терние наших прегрешений попалиши.

Прииди, огнь Божественный на землю низводяй, Господи, да угасшия светильницы душ наших паки возжеши.

Прииди, огненные реки апостолом орошай, Владыко, да теми весь мир огнем благодати Твоей обновиши.

Прииди, во огненных языцах всему миру на молитве возлаголавый Душе, воздыханий неизглаголанными научи нас о чесом молитися Небесному Отцу.

Прииди, во огне и буре Божество Пресвятыя Троицы Открывый, Царю, огнедохновенным дыханием воспламени огнь Божественная любве и в наши хладныя сердца.

Прииди, Утешителю Благий, вселися в ны, и спаси души наша.

Кондак 6

Проповедник дивный, божественный Петр, видев, яко огненное видение исполни страха ученики, возопи: не бойтесь, огнь сей нежегомый есть, якоже древле неопалимая купина, или якоже пламень Вавилонский пещи, иже не опали три отроки. Сего ради кийждо от нас да отринет страх из души, и да не убоится неопального пламени, огнь бо сей да разумеем, якоже рози, яко цвети на главах наших, имиже увенча, украси и озари нас Всесвятый Дух, Ему же все с радостию да воспоим: Аллилуя.

Икос 6

Возсия велие просвещение благодати Божией всей Церкви Христовой в великий сей Пятидесятый день, егда во огненных языщех Ты Сам существенно снисшел еси на апостолы и на вся верующия, Святый Животворящий и Всесильный Душа, Един Сый от Пресвятыя Троицы, и богатно излил еси не некия Отчии дары, якоже прежде, но от всяя полноты Божества излил еси от Духа Твоего на всяку плоть, не в меру бо подаст Бог Духа, и потекоша реки воды живыя благодати Твоей от Иерусалима во всю вселенную, и тако завершишася телесныя дела Христовы и прияша начало дела Твоя, Душа, да созиждется Царствие Твое в человекех и да преобразится Тобою мертвенная плотская жизнь наша на живую и духовную. Сего ради все водимии Тобою да воспоем Тебе сице:

Прииди, Утешительный Душа, с небесных высот сошедый, да безкнижныя ученики Христовы неботаинники сотвориши.

Прииди, Небесный Царю, везде сый и вся исполняй, да во Христа верующия духовныя жизни сопричтеши.

Прииди, неумаляемое Сокровище благодати, да приобщиши нас даров Твоих, и райскою радостию возвеселимся.

Прииди, Неувядаемый Цвете чистоты, да окропиши нас иссопом Твоим и паче снега убелимся.

Прииди, Зиждителю всея Твари, да царствуши и господствуши над всеми силами души моей.

Прииди, Владыко Неба и Земли, да властвуши и управляши над всеми движениями сердца моего.

Прииди, Утешителю Благий, вселися в ны, и спаси души наша.

Кондак 7

Хотя спасти вся языки, Господи, даровал еси учеником Твоим во огненных языщех Духа Твоего, да по обетованию Твоему возглашуют новыми языками, и все исполнитася Духа Свята и начаша глаголати иными языками, якоже Дух даяще им провещевати, да все народи от всех языка на праздник пришедшя, услышат их проповедующия своими языками. В Вавилоне иногда размесиша языцы дерзости ради столпотворения, да разделятся языки, ныне же боговедения ради умудришася языцы, в соединение бо всех призыва Вышний, да согласно славят всесвятаго Духа, поюще Ему единими устами и единем сердцем: Аллилуя.

Икос 7

Новое чудо Твое, Утешителю, бысть во знамение всем, и исполни ужаса языков собрания на праздник пришедших: видяху бо учеников Спасовых огненными языки глаголющих и кийждо от них свою беседу слышаше. И дивляхуся вси, друг другу глаголюще: не вси ли сии глаголующии галилеяне суть, и како мы слышим кийждо свой язык, в немже родихомся? Како сотвориша соотечественницы всем языком? Видел ли есть Петр Египет? Живяше ли когда Андрей в Месопотамии? Видеша ли когда Памфилию сыны Заведеовы? Како явишася сии Римляном, яко не варвари, Парфяном, яко им подобний, Мидяном же, яко свои. Обаче елицы благоговейний бывша, тии прославиша Бога, вопиюще Утешителю сице:

Прииди, во пророцах глаголавый Божественный Душа, возглали мирная и благая в сердцах наших.

Прииди, во Апостолех проповедавый огненными языки Безсмертный Царю, возсияй молниями Божества в душах наших.

Прииди, Животе Безначальный, разделенные языки в соединение призвавый, и в нас дух вражия разделения всеконечно потреби.

Прииди, Любы Безконечная, Апостолы на вечери союзом любве связавый, и в нас дух братския любве навеки насади.

Прииди, с небесе снисшедый Утешителю наш, да на стези небесныя наставиши нас, Тебе поющих.

Прииди, от земных горе возвышаяй Боже наш да от сладости мирских красот избавиши нас Тебе вопиющих.

Прииди, Утешителю Благий, вселися в ны, и спаси души наша.

Кондак 8

Странными глаголы вещающе, возглашала святии Апостоли странныя учения и странныя веления Святая Троица, от Духа Святаго просвещаеми. Высокоглаголивыми же проповедующе языки, не человеком глаголаху первее, но Богу, тайны вещающе духом, якоже божественный Павел глаголет, быва бо в восторзе духовном, неизглаголанными взыханиями Святаго Духа наставляеми. Неверующим же от язык сие Духа действие пьянство непещавшеся быти. Обаче мнози благоговейни бывше, ужасахуся, и недоумевающеся, друг друга вопрошаху: что убо хощет сие быти? И с верою прославиша Бога, поюще Ему: Аллилуia.

Икос 8

Весь исполнен быв огненосныя благодати Духа Божия, святый Петр, востав с единонадесятьми, воздвиге глас свой и нача проповедовати собранным от язык величия Божия и страшное Твое, Святый Утешителю, во огненных языцах схождение, еже пророк Иоиль древле предрече, глаголя о сем великому и просвещенному дне Господнем: «Изолью от Духа Моего на всякую плоть, на рабы Моя и на рабыни Моя, и прорекут сынове ваши и дщери ваши и юноши ваши видения узрят». Сим Святым Духом исполненнии бывше,

Апостоли не вином упишася, ноupoением Духа, новаго винограда рождения
Божественнаго веселия приобщившеся, вопиюще и глаголюще сице:

Прииди, Божественный Утешителю, во Иордане на Спаса нашего в виде голубине
снисшедый, даруй нам криле голубине кротости и чистоты, да полетим и почием.

Прииди, Сладчайший Душепосетителю, в Сионе ко апостолом во огненных языщех
пришедый, ороси нас огнем благодати Твоей, да верою и любовию воспламенеем.

Прииди, Святый Живоначальный Душа, древле в человецех плоть сущих пребывати не
восхотевый, свободи нас законом духа от закона плоти, да паки живеши в нас.

Прииди, Великий Непостижимый Боже, в последок дний сих от Духа Твоего на всяку
плоть изливый, сподоби нам не по плоти жити, но по духу, да всегда пребудеши в нас.

Прииди, Душа всякия чистоты, помози нам, да плоть не похотствует на дух наш, и да
Тобою водими будем.

Прииди, Присный наш Животе, спбори нам, да не сеем в плоть и тление, но в дух, да от
Духа Твоего жизнь вечную пожнем.

Прииди, Утешителю Благий, вселися в ны, и спаси души наша.

Кондак 9

Всякое естество человеческое возвеселися днесъ о сошествии Твоем, Утешителю Благий,
зане в ветхую Пятидесятницу при Синае бывшую, вси людие издалече стояху в страхе и в
ужасе, всей горе дымящейся и во огне бывшей, един бо точию Моисей взиде на верх ея во
мрак, идже бяше Бог. Ныне же, вси слышавши Петра умилишася сердцем, увероваша и
крестишася, и приложися в день той душ, яко три тысящи, и тако в сей великий день
Пятидесятницы положися начало Церкви Христовой на земли и вси исполнишася Духа
Святаго и духом взыдоша на гору Господню благодати Божия, вси очами веры Господа
узреша и с радостию возопиша Ему: Аллилуя.

Икос 9

Витии Божественныя святии Апостоли, прежде безкнижни рыбарие, ныне же мудрии
богословцы явишася, прежде починяху мрежи своя, ныне же облеченнии силою свыше от
Духа Святаго, начаша проповедь Слова Божия, прежде точию рыб уловляху, ныне же
соториша ловцы человеков и люди безчисленни из глубокия тьмы начаху изымати.
Прежде боящися, ныне же дерзновение приявшии и радости исполнении от Тебе,
Святый Утешителю, тии уразумеша, яко нова тварь ныне суть и каковый велий дар
получиша по обетованию Господню, сего ради ныне отбеже от них страх и дух немощи и
тии ощутиша, яко уже имут силу по повелению Господню пройти даже до конец
вселенныя, учаще вся языки и крестяще их во имя Отца и Сына и Святаго Духа. Сего ради
в веселии духа возопиша сице:

Прииди, Свете Живоначальный, да вся языки светом боговедения просветиши.

Прииди, Животе Безначальный, да вся человеки к новой жизни во Христе приобщиши.

Прииди, Теплото Живительная, да духом любве Твоей хладныя сердца неверных языков воспламениши.

Прииди, Сладосте Неизреченная, да благодатию Твою всех вкушивших ю паче меда и сота усладиши.

Прииди, Радование наше непрестанное, да нас скорбных и печальных очищением совести возвеселиши.

Прииди, Сокровище наше превожденное, да нас нищих и убогих множеством дарований духовных обогатиши.

Прииди, Утешителю Благий, вселися в ны, и спаси души наша.

Кондак 10

Спасения день — сей великий Пятидесятницы праздник, в онъже, Утешителю Благий, Церковь Христову до скончания века облагодатил еси и всю тварь Твоим Живоносным дыханием обновил еси, Везде сый и вся исполняй, Ты идеже хощеши дышаши, вся живиши и повсюду в мире разливаши свою живоначальную силу: Тебе поет солнце, Тебе славит луна, Тебе служит свет, Тебе работают источницы, Тобою един дождь напояет землю и бывает бел в кринех, и красен в розах, багрян же в фиалках, тако многообразна благодать Твоя: единому убо даёши слово премудрости, другому — дар пророчества, иному — сказание Божественных Писаний: единаго укрепляеши на целомудрие, другаго учиши поститися и подвизатися, оваго же уготовляеши на мученичество. Вся же сия действуеши Ты, единый Душа, разделяя коемуждо хощеши, да всякое дыхание поет Тебе: Аллилуя.

Икос 10

Царю Небесный и жизни Подателю! Царство Твое — Царство всех веков и Владычество Твое во всяком роде и роде. Сошед же на апостолы. Ты явил еси ими Царство не от мира сего — Церковь Христову, юже исполнил еси безчисленными дары благодати Твоей, имиже, яко финикс процвете и яко кедр, иже в Ливане умножися. И тако Твою благодатию напояема, Церковь процвете многочисленными сонмы девственник, учителей, мучеников, исповедников, преподобных, пустынников, да исполнится Осии пророка предречение: процветет, яко цвет и прострет корение, яко дубрава и яко маслина плодовита будет. Зряще убо сии сонмы духовосных отцев, Тобою, Святый Душа, возвращенных, воззовем Тебе таковая:

Прииди, Источниче Божественных сокровищ, вдохни нам светоносныя Твоя дарования.

Прииди, Подателю и Совершителю нашего освящения, освяти ум, сердце и вся наша помышления.

Прииди, благости и милосердия Неизнуряемое Хранилище, сохрани в нас жизнь духовную под кровом Твоей благости.

Прииди, настоящих и грядущих благ Нескончаемое Сокровище, соблюди нас в чистоте совести в предназначение вечных радости.

Прииди, падших Всенадежное Востание, Тобою бо источаются благодатныя струи напояющая всяку тварь ко оживлению.

Прииди, мертвых духом и телом Благое Воздвижение, Тобою бо подаются вся силы к животу и благочестию, воздвигающая всяку плоть к Воскрешению.

Прииди, Утешителю Благий, вселися в ны, и спаси души наша.

Кондак 11

Пение духовное воспоем Тебе, Святый Утешителю, Твое во огненных языщех на Апостолы Сошествие празднующе и сим Павловым глаголом последующе: «помолюся духом, помолюся и умом, воспою духом, воспою и умом». И тако духом на молитве и в служении пламенеюще, да не угасим плотоугодием Духа Твоего, во святом крещении восприятаго, но присно да взираем на уверовавших в день Сошествия Твоего: тибо внимаша слову Петрову: «спасайтесь от рода сего развращенного», выну бяху в учении апостол, в общении и преломлении Хлеба Жизни и в молитвах, и бысть на всякой душе страх Божий, и бяху вси вкупе единодушно, имуще вся обща, и с радостию в простоте сердца воспеваху Богу: Аллилуиа.

Икос 11

Света солнечного светлее явися благодать Твоя, Светоносный Душа, вся бо просветляющи, очищающи и освещаша Твоим огненосным осиянием. Ты бо сошел на Пресвятую Деву Марию, соделал еси Ю Пресветлый храм девства и Пречистый дом Божества Сыну Божию. В явлении же Твоем во Иордане при Крещении Господнем в виде голубине Ты отверзл еси небеса грехопадением Адамовым заключенная и обожил еси Пречистую плоть Христову. В Сошествии же Твоем на Апостолы исполнил еси Божественного присутствия Своего всю Церковь, Невесту Христову, да будет непорочна и свята. Сего ради точиши в Ней пророчествия, и священники совершающи, собирающи весь собор церковный, и сходиши, яко огнь с небесе в Божественную Литургию и во всех таинствах, и тако вся Церковь одевается светом благодати Твоей, яко ризою, да во Свете Твоем узрим Свет, и да воспоем Тебе сице:

Прииди, чистотою Сияющий Душа, Святую Деву Чисту в рождестве сохранивый, да и нам благодать девства и чистоты преподаси.

Прииди, небеса разверзший Небесный Царю, на Спаса Христа при Крещении низшедый, да и всем верующим в Него путь на небо отверзеши.

Прииди, Солнце Незаходимое и Несокрываемое, да свет возсияши праведным и правым сердцем веселье.

Прииди, Сияние Присносияющее и Немерцающее, да внутрь нас возсияши Церковь Божия Духа в Твое Божественное посещение.

Прииди, Свете Святый и Животворяй, просвети мир Твоим Божественным осиянием.

Прииди, огню от огня Происходяй и Боготворяй, озари нас Твоим огненосным вдохновением.

Прииди, Утешителю Благий, вселися в ны и спаси души наша.

Кондак 12

Благодать духоносную даровал еси, Утешителю Святый, всей Церкви Христовой в великий день Святыя Пятидесятницы, якоже и прежде выну спребывал еси Владыке Христу во днех Его плоти, яко же великий в богословех святый Григорий витийствует: «Рождается Христос и Дух предворяет. Крещается Христос и Дух свидетельствует. Искушается Христос и Дух возводит (в пустыню). Совершает силы Христос и Дух сопутствует. Возносится Христос и Дух преемствует». Сего ради и начатки Божества подаeshи ныне, Святый Душа, естеству перстному, да паки возведеши е к первому райскому благородию и да обожиши е во образ Вознесенного на небеса естества Христова. Мы же исчести не могуще многочисленная паче песка морского благодеяния дарований Твоих, вопием Тебе: Аллилуia.

Икос 12

Поюще, Божественный Душа, Твою Живоначальную благодать, обновляющую лице земли дохновением Твоим, поклоняемся Твоему во огненных языцах на Апостолы сошествию, и веруем, яко по обетованию Христову выну Твоя благодать во Святей Церкви пребудет, дондеже паки приидеши в последний день во общее Воскресение во еже воздвигнуты вся от века умершия, яко же святый Иезекииль предрече глаголя: «от четырех ветров прииде, Душа, и вдуни в мертвяя кости сия и да оживут. И вниде в них Дух Жизни и ожиша и сташа на ногах своих собор мног зело». Тогда не посрами нас вопиющих Тебе сице:

Прииди, Утешение и Радосте моя, услыши мя в день скорби и печали моей.

Прииди, Дыхание и Жизнь моя, буди ми един дух со мною до самыя смерти моей.

Прииди, Блестящееся одеяние души моей, покрый внутреннюю наготу и безобразие грехопадения моего.

Прииди, Теплайшее очищение совести моей, отмый скверну души и тела моего чистыми слезами пришествия Твоего.

Прииди, Пище Неизреченная и Нетленная, напитай алчущий дух мой в жизнь вечную безсмертия плодами.

Прииди, Питие Божественное и превожденное, напой жаждущую душу мою благочестия водами.

Прииди, Утешителю Благий, вселися в ны и спаси души наша.

Кондак 13

О, Небесный Параклите и Душа Всесвятый, от Отца Исходяй и Сыном Пришедый! Приими малое сие от всея души приносимое Тебе благодарение. Прииди к нам и пребуди выну в Церкви, да не угаснет в нас Божественный пламень Тобою возженный. И сподоби нам духом пламенети и плutoугодия не творити в похотех, да никогдаже угаснет дух наш и да выну прославляти будем Тя в душах и телесех наших, и тако возрождении Тобою, чистым духом и чистыми усты воспоеем Единому Богу во Святей Троице: Аллилуиа.

(Этот кондак читается трижды, затем икос I и кондак I)

Молитва на Сошествие Святаго Духа

О, Небесный Царю, Утешителю Святый, Душе Истины, везде сый и вся исполняй, никогдаже начинаемый, ниже престаяй, но со Отцем и Сыном присно Сущий, первее во Ангельских Воинствах действовавый, священие даруя; и при миробытии в начале верху воды носившийся, яко жизни Податель, в рай же первозданныя люди дыханием жизни воодушевивый и сладким общением Божественным утешавый я, по грехопадении же прародителей наших не восхотевый с падшими сынами человеческими пребывать, зане плоть быша, но точию во избранных патриарсех и пророцах древле отцем глаголовый, в последок же дней сих, восхотев излити от Духа Своего на всяку плоть, первее на Честнейшую Горних Сил Пресвятую Деву Марию низшедый и велие таинство Воплощения Сына Божия Тою неизреченно совершивый, и паки на Том же Сыне Божием, во плоти на Иордан пришедшем, в виде голубине почивый, по сем же в великий день Пятидесятницы существенно в видении огненных языков на Апостолы сошедый и сими всю вселенную просветивый и Святую Церковь до скончания века Свою Божественною благодатию изобильно исполнивый, во еже падшее естество наше обожити и паки к райскому блаженству возвратити! Призри убо в сей великий, совершенный и конечный Пятидесятный праздник на моления рабов Твоих коленопреклоненно Тебе возносимыя, и очисти нас священным наитием Твоим от множества согрешений наших во всем житии нами содеянных. Едине Чистый и Пресвятый Душе, очисти нас от многия нечистоты нашея, да не паки оставиши нас, аще по плоти жити будем, яко не имать обитати Дух Твой в человеках плоть сущих, зане плоть и кровь Царствия Божия наследити не могут. Сего ради молим Тя: угаси живоносным дыханием Твоим весь пламень страстей наших, да нетворим плотоугодия в похотех, но водимии Тобою, да будем прославляти Тя в душах и телесех наших. И избави нас от духа праздности, уныния, печали и гордости и даруй нам дух кротости и чистоты, дух смирения и целомудрия, дух терпения и любви, да приидёши во внутреннюю храмину душ наших и воцаришися тамо над страстями нашими, во еже сеяти нам кому уже не в плоть и тление, но в дух, да от Духа Твоего пожнем живот вечный в последнее Воскресение и прославим Тя с лики святых со Отцем и Сыном во веки веков. Аминь.